



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Regimine Ecclesiae Episcopalis In Octo Libros Distributus

Antonelli, Giovanni Carlo

Velitris, 1650

De beneficiorum concursu. Cap. V.

urn:nbn:de:hbz:466:1-11401

omnium annui reditus secundum communem estimationem non ascēderent ad summam 125. ducatorum, non prohibetur à Concilio Tridentino, quin ea omnia retinere possit, ut refert Zerol. loco cit. ver. beneficia §. ad septimū & conclus.

S V M M A R I V M.

- 1 An si adhibeantur examinatores non synodales, concursus sit validus.
 - 2 Quando expiret facultas examinatorum.
Annus celebrandi synodum currit à die Synodi ultimo loco celebrata, ibidem.
 - 3 Examinatores synodales iurare debent, se fideliter munus exequuturos, & quomodo probetur tale iuramentum.
 - 4 Item tenentur facere relationem Episcopo quoad scientiam, mores, etatem, & reliqua.
 - 5 Non possunt quidquam occasione examinis accipere, & quam pœnam incurrant accipientes in hoc casu.
 - 6 An possint eligi plures examinatores ultra sex.
 - 7 An requiratur nouum examen in eo, qui alias examinatus, & approbatus fuit ad aliud beneficium parochiale.
 - 8 Quem terminum præfigere debet Episcopus in edicto pro habendo concursu.
 - 9 An possit Episcopus aliquem admittere ad cōcursum post elapsum terminum.
 - 10 Elapso termino edicti potest Epi-
- scopus inchoare examen, non tamen claudere, ubi plures fuerunt descripti.
- 11 Si nulla apposta est dies certa in edicto pro inchoando cōcursum, non potest inchoari examen absque citatione.
 - 12 An subsistat examen factum ante lapsum termini in edicto expressi.
 - 13 An sit proponendum nouum edictum, quando vnus tantum descriptus fuit, vel si inter plures descriptos vnus tantum die præfixo compareat.
 - 14 Quando possit Episcopus absque concursu parochiale beneficium conferre.
 - 15 Non potest Episcopus prohibere Curatis, ne accedant ad cōcursum aliarum parochialium ecclesiarum.
 - 16 Beneficia parochialia intra sex menses conferri debent.
Quid facere teneatur Episcopus, si parochiales ecclesie vacant in mensibus sedi apostolica reseruatis, ibidem.
 - 17 Quando Episcopus possit conferre beneficia vacantia in Romana Curia, vel in mensibus sedi apostolica reseruatis, & n. 18. & 19. Regula Cancellaria expirant morte conditoris, ibidem.
 - 20 Cetera item beneficia infra sex menses conferenda sunt, & à quo tempore curraut predicti sex menses.
 - 21 Elapso dicto tempore non potest ordinarius amplius conferre, sed collatio deuoluitur ad Superiorem.
 - 22 Si Prælati Episcopo inferiores in

- tra dictum tempus non confe- 30 Item an ad possessionem beneficii
nant, potestas deuoluitur ad ip-
sum Episcopum, etiam si colla-
tanes sint Regulares, nulli si ad
inferiores, & Episcopum com-
muniter spectant collatio.
- 23 Deuoluitur etiam potestas confe-
rendi ad superiorem, si ij, ad
quos collatio spectat, prouident
indignis, vel incapacibus.
- 24 Sci entia vacationis beneficii pra-
sumitur in Praetato, qui residet
in sua Dicecesi, hac tamen non
sufficit ad effectum deuolutio-
nis, sed certa scientia probanda
est.
- 25 Superior, ad quem fit deuolu-
tio, habet etiam sex. menses ad
conferendum a die deuolu-
tionis.
- An valeat collatio facta ab ordi-
nario post deuolutionem, ibid.
- 26 Si Patronus laicus intra quadri-
mestris non presentauerit, Epif-
copus a tempore ultimo diei qua-
drimestris potest infra sex me-
ses beneficium conferre.
- 27 Si Episcopus tempore debito be-
neficium conferat, & prouiso
ex aliqua causa non fuerit effe-
ctum sortitus, non deuoluitur in
tali casu potestas conferendi.
- 28 Episcopo habenti in statu nullo
tempus praefixum est, in-
tra quod faciendum sibi institutio,
potest tamen Superior Episcopi
negligentiam supplere.
- Limitatur in beneficijs parochia-
libus iurispatronatus, ibi-
dem.
- 29 An praefixum sit a iure tempus
ad conferenda beneficia resi-
gnata ex causa permutationis.
- 31 An valida sit electio digni omif-
so dignione.
- 32 Episcopus conferens parochialem
ecclesiam digno omisso digniore
mortaliter peccat.
- Episcopus non tenetur perquirere
extra Dicecesim, ut meliores ha-
beat, ibidem.
- 33 Quinam dicatur dignior in ta-
li casu.
- 34 Nobilis ignobili est praeferen-
dus.
- 35 Itē minus doctus modò idoneus,
cuius prudentia, & mores sunt
noti, praefertendus est doctiori,
cuius uita ignoratur.
- 36 Cuius extraneo ceteris paribus
est praefertendus.
- 37 An Episcopus possit conferre
parochialem ecclesiam sacer-
doti, qui unum tantum exami-
natorum suffragium habuerit.
- 38 An in alijs beneficijs curam ani-
marum non habentibus licitum
sit eligere dignum amisso di-
gniore.
- 39 Ad Parochiale beneficium qua-
ritas requiratur.
- 40 Electus ad parochialem ecclesiam
tenetur infra annum ad sacer-
dotium promoueri, aliax. priua-
tus est ipso iure beneficium paro-
chiali, & tenetur dimittere be-
neficium vna cum fructibus,
& quando hoc procedat.
- 41 Limitatur, quando Parochus le-
gitimo fuit impedimento deten-
tus.
- 42 Item limitatur in Capellanis re-
quirentes ordinem sacerdotalem.

Quando obtinenti huiusmodi Cappellani concedatur annus ad suscipiendum Sacerdotium, ibidem.

- 43 Item limitatur quoad obtinentes Decanatum, seu alias dignitates, vel beneficia, qua curam animarum habent annexam.
- 44 Qua aetas requiratur in Dignitate, seu Canonico, cui accessorie unita sit parochialis.
- 45 Qui beneficium parochiale accipit animo non suscipiendi sacerdotium, tenetur ad restitutionem fructuum perceptorum, & quando hoc procedat.
- 46 Quid si accipiat animo sumendi sacerdotium, & postea voluntatem mutet.
- 47 Et quid, si quis adeptus fuerit Canoniatum sine intentione suscipiendi ordinem sacrum, quem habet annexum.
- 48 Canonicus non recipiens ordinem suo Canoniatui annexum peccat mortaliter, priuatur voce in capitulo, & dimidia parte distributionum, & potest etiam Canoniatu priuari.
- 49 Quam aetatem habere debet prouisus de Canoniatu in ecclesia Collegiata.
- 50 An Canonicus coadiutor debeat esse constitutus in ea aetate, qua ad illum Canoniatum obtinendum requiritur.
- 51 An detur appellatio ab electione Episcopi. & num. 52.
- 53 An detur appellatio a reprobatione examinerum.

CAP. V.

De Beneficiorum concursu.

S. I.

An validus sit concursus ecclesiarum parochialium habitus coram examineribus non Synodalibus.



Egatinè respondent Doctores communiter ex Conc. Trid. sess. 24 de ref. cap. 18. ibi, examineres autem singulis annis in Diocessana Synodo ab Episcopo, vel eius Vicario ad minus sex proponantur, qui Synodo satisfaciant, & ab ea probentur, aduenienteque vacatione cuiuslibet ecclesie tres ex illis eligat Episcopus, qui cum eo examen perficiant.

Ex quo etiam obseruant Doctores, adeò necessariam esse qualitatem electionis synodalis, vt omninò vitietur concursus non solum si examineres, vel eorum aliquis non sint Synodales, verum etiam si cum tribus, vel quatuor, pluribusue synodalibus aliquis non synodalis admitteretur, vt censuit Sac. Cong. & Rota Romana teste Garc. de benef. par. 9. cap. 2. nu. 324. & 325. Barbof. de offic. & pot. Parochi cap. 2. num. 71. & de offic. & pot. Episc. par. 3. au. 60. num. 48. quia cū concilium velit examen, & concursum fieri coram examineribus synodalibus saltem tribus, si

accedant alij non synodales, non seruetur forma Concilij, cui nihil addi, vel detrahi potest: & ideo nō habet locum regula, vtile per inutile non vitatur *Massobr. in Prax. habent concurs. requis. 13. dub. 1. contra Homobon. de Bōn. de exam. eccles. tract. 2. cap. 3. quest. 30.*

- 2 Observant 2. quod si ex sex examinadoribus aliqui intra annum suæ electionis decesserint, tota facultas examinandi vna cum Episcopo ad superstitēs, etiam si vnus tantum superesset, spectat eo anno durante; sed in locum demortuorum eligendi sunt alij cum approbatione Capituli; & si omnes decesserint, nouos tunc ab eodē Capitulo probandos non pauciores sex Episcopus deputare potest *iuxta decretum Clementis VIII. quod refert. Garc. de Benef. par. 9. c. 2. num. 72. Sbrozz. de Vic. Episc. lib. 2. q. 2. 12. num. 8. Barbof. d. all. 60. nu. 47. Massobr. requis. 12. dub. 2.* hoc enim casu cum nondum lapsus sit annus celebrandi Synodum, nihil Episcopo potest imputari, neque per Episcopum stat, quin examinadores in Synodo deputentur: si cuius esset, si lapsus fuerit annus, tūc enim cum teneatur Episcopus Synodum conuocare *ex concil. Trid. d. sess. 24. de ref. cap. 2.* examinadores facti ordinarij deficiunt, & per eū 3 stat, quin illos adhibeat: nam Clementis VIII. concessit Episcopis facultatem deputandi examinadores extra synodum deficientibus, vel impeditis synodalibus, infra annū tantum à Synodo celebrata; & decreuit, vt statim elapso anno talis facultas, & eorum auctoritas expi-

ret *Rot. coram Buratt. dec. 479. per tot. & ita etiam declarauit Sac. Cong. teste Ricc. in Prax. for. eccles. p. 1. resol. 641.* Vnde si vacatio parochialis eueniat post annum à die celebratæ Synodi, licentiam deputandi examinadores extra synodū à Sac. Congreg. petere ordinarij consueuerunt, vt notat idem *Buratt. d. decis. 479. num. 12.* Annum verò celebrandi synodum non currere à die captæ possessionis Episcopatus, sed à die Synodi ultimo loco celebratæ, dicit *Massobr. d. requis. 12. Barbof. d. all. 60. nu. 50. & de offic. & pot. Paroc. cap. 2. n. 60. & 61.*

Addit tamen idem *Massobr. d. requis. 12. Galet. in Margar. Cas. cōs. ven. examinadores. & alij apud Barbof. d. par. 3. all. 60. nu. 49.* quod officium synodalium examinadorū neque per mortem Episcopi, neque post annū suæ electionis expirat, sed semper pro legitimis habendi sunt, semperque durant, donec alij seruata forma Concilij fuerint electi: verum si anno elapso aliqui ex eis mortui fuerint, officium omnium expirat, & ita censuit *Sac. Cong. teste Garc. de Benef. par. 9. capit. 2. num. 8. & 73. & refertur inter dec. nouissim. p. 4. Diuers. decis. 51.*

3 Debent autē examinadores iurare, se quacunq; humana affectione postposita fideliter munus exequenturos *iuxta Conc. d. sess. 24. cap. 18.* & iuramentum necessario præstandum est tactis euangelij secundum *Garc. d. par. 9. cap. 2. num. 358. Massobr. requis. 14. dub. 1. Barbof. par. 3. d. all. 60. nu. 48.* Huiusmodi

di verò iuramentum non præsumitur tamquam solemnitas extrinseca, & ideò probari debet: alias nullus esset concursus. *Rot. coram Burrat. decis. 362. nu. 8.* probatur tamen per attestationem Notarij, ac etiam per litteras testimoniales ipsorum examinatorum, ut d. *Barbos. ubi supra, & decisum refert Massob. d. requis. 14. dub. 4.* Hoc autem iuramentum non est necessarium præstandum in quolibet examine, vel concursu, sed satis est iuramentum generale semel præstitum vel in synodo, vel extra synodum in manibus ordinarij, vel solius Notarij, ut decisum refert idē *Massob. loco cit. dub. 3. & notat etiā 6 Garc. par. 9. cap. 2. n. 359.*

4 Tenentur etiam facere relationem Episcopo non solum quoad scientiam, verum etiam circa mores, ætatem, & reliqua, & debent renunciare quotquot idoneos iudicauerint relicto iudicio eligendi magis idoneum soli Episcopo iuxta Concilium Tridentinum d. *sess. 24. de ref. cap. 18. & censuit etiam Sac. Cong. teste Garc. de Benefic. par. 5. cap. 7. num. 11.* Vnde si aliquem approbarent quoad solam litteraturam, talis approbatio non subsisteret *Rot. coram Burrat. decis. 90. Barbos. d. par. 3. all. 60. num. 95. Massob. requis. 4. dub. 2.*

5 Nec possunt quidquam prorsus occasione examinis nec ante, nec post accipere, alioquin Simonia vitium tam ipsi, quam alij dantes incurrunt, à qua absolui nequeunt nisi dimissis beneficijs, quæ quomodocunque etiam ante obtinebant, & ad alia in posterum inhæ-

biles redduntur ex d. *Conc. loco cit. cap. 18.* cuius dispositionem procedere etiam in re modica, velleuis momenti etiam gratis, & liberaliter data, & ad captandam benevolentiam, dicit *Garc. de Benef. par. 9. cap. 2. num. 390. quem refert Bonacin. de Simon. disp. 1. q. 7. pun. 2. diff. 1. nu. 5. Barbos. de offic. & pot. Parochi cap. 2. num. 79. & 80.* quia Concilium prohibet, nè quidquã prorsus accipiatur, quamuis contrarium teneat alij Doctores, quos refert, & sequitur *Dian. par. 5. tr. 5. resol. 2. vers. non desinam,* qui putant, etiam in Simonia dari paruitatem materiæ.

Sed quæres, an possint in Synodo eligi plures examinatores etiam, ultra sex? Resp. affirmatiuè, non tamen plures, quam viginti admitti possunt ex decreto *Sac. Cong. apud Barbos. par. 3. all. 60. n. 47.*

Quæres 2, an requiratur nouum examen in eo, qui alias examinatus, & approbatus fuit ad aliud beneficium parochiale? affirmatiuè respondet *Ricc. in Prax. for. eccles. par. 4. ref. 74. & alij commun.* quod procedit, etiam si esset famosissimus Doctor, qui cum maximo applausu per plures annos legerit, vel si esset Vicarius ipsius Episcopi, ut dicit *Quarant. in verb. Beneficiorum parochialium collatio, ubi refert ita declarasse Sac. Cong. ratio est, quia huiusmodi examen requiritur pro forma per Concilium Tridentinum d. *sess. 24. cap. 18. & per constit. Pij V. incip. Inconferendis, quam refert Quarant. in verb. Benefic. paroch. collatio.* Vnde collatio aliter facta esset nulla, & pro-*

uisus teneretur ad fructuum perceptorum restitutionem, ut decis. refert Ricc. in collect. dec. 712. p. 3.

Observat tamen idem Ricc. in Prax. ut supra par. 4. r. 70. quod in Curia semel examinatus, & ap probatus ad beneficiū simplex, Canonicatum, dignitatem, vel Curatum, non amplius examinatur ad simile. Sed hoc procedere potest, quando alio modo, quā per concursum beneficia parochialia conferuntur, ut colligitur ex decreto Sac. Cong. quod refertur inter Decis. nouissim. par. 4. diuers. dec. 32.

§. I I.

An à iure prescriptus sit terminus ad habendum concursum.

8 **E** piscopus habita notitia vacationis ecclesie parochialis edictum pro concursu proponere debet cum termino decem dierum, quem ex causa legitima ad alios etiam decem dies potest prorogare iuxta Conc. Tridentinum d. sess. 24. cap. 18. & constitutionem Pij V. incip. In Conferendis.

9 Potest tamen Episcopus aliquē admittere ad concursum, etiam si terminus ab ipso prefixus fuerit elapsus, & Aduersarius, qui comparuerat durante termino, contradicat: quod videtur suadere æquitas, & fauor ecclesie, cuius interest, ut plures oppositores concurrant Rot. in Calaguritana dimidiij beneficii 22. Aprilis 1602. coram Ortembergo, quam refert

Ricc. in Prax. for. eccles. par. 3. ref. 522. præsertim si legitime impeditus fuit, vel iustam habuit causam excusationis, vel rationem ignorantie, vel absentie, seu alterius impedimenti arg. cap. cum tua Qui matrim. access. poss. Barbof. de offic. Paroch. cap. 2. nu. 44. & 45. ubi refert, ita resoluiffe Rotam in Firmana Parochialis 6. Martij 1592. coram Gard. Pamphilio Sen.

10 Elapso termino edicti potest quidem Episcopus examen inchoare, non tamen illud eadem die claudere, ubi plures fuerunt descripti, sed sunt expectandi, vel vocandi: alioquin vitiatur concursus, si ex pluribus descriptis vnus, aut non omnes examinentur, eisq. minime expectatis claudatur concursus cap. fin. de elect. in 6. Seraphin. dec. 1148. numer. 5. Barbof. de offic. & pot. Episc. par. 3. all. 60. num. 51. Massobr. in Prax. haben. concurs. requis. 3. dub. 10. ubi etiam dicit, quod si nulla apposta est dies certa in edicto pro inchoando concursu, non potest inchoari examen absque citatione; vnde inoleuit consuetudo, ut oppositores descripti pro examine speciali monitione citentur ad certam diem. Subsisteret tamen examen factum ante lapsum termini in edicto expressi, si nullus postea compareat, ut tenuit Rot. in vna Carthaginen. Parochialis 9. Decembris 1588. coram Orano, quam refert Barbof. par. 3. d. all. 60. nu. 46. instar collationis factæ per ordinarium spreto patrono, quæ Patrono non

com-

comparante intra tempus datum ad presentandum, tenet, *ut dic. Garc. de Benef. par. 9. cap. 2. numero 326.*

13 Si verò vnus tantum descriptus fuerit, ille examinandus est, & si idoneus reperiatur, beneficium est ei conferendum, *ut censuit Sac. Congreg. teste Vgolin: de offi. & pot. E. sc. cap. 50. §. 10. n. 4. Garc. de Benef. par. 9. cap. 2. n. 215. Massobr. in Prax. habent. concurs. requis. 3. dub. 8. Barbos. d. all. 60. num. 51. ita etiam si plures fuerint descripti, & die præfixo pro concursu, & examine vnus tantum comparuerit reliquis legitimam excusationem, vel impedimentum minimè allegantibus, non est proponendum aliud editum, sed illi beneficium conferendum est, si in examine idoneus repertus fuerit, *ut similiter censuit Sac. Cong. referente Garc. d. par. 9. cap. 2. num. 215. & sequem. Massobr. in Prax. habent. concurs. requis. 3. dub. 7. secus esset, si alij descripti aliquod legitimum impedimentum deduxerint, quia tunc Episcopus tempus prorogare debet, *ut declarauit Sac. Cong. teste Loom. in Thes. for. eccl. par. 2. cap. 3. num. 55. & 56. Garc. d. p. 9. cap. 2. num. 215. Quarant. in ven. Benefic. Parochialiu collatio vers. Denique queritur.***

14 Sed quando nullus comparuit, aut certè nullus ex comparantibus vult subire examen, Episcopus alium terminum præfigere debet, seu aliud editum proponere; & si nemo adhuc comparret, vel nemo idoneus reperitur,

tunc poterit parochiale beneficium absque concursu conferri, *ut Barbos. de offi. & pot. Paroch. cap. 2. num. 51. Quarant. loco cit.*

15 Concursus autem huiusmodi omnibus liber esse debet: & ideo non potest Episcopus prohibere Curatis, nè accedant ad concursum aliarum parochialium ecclesiarum, *ut resoluit Sac. Congreg. Episcop. & Regul. die 26. Augusti 1591. referente Barbos. de offi. & pot. Paroch. cap. 2. num. 48.*

S. III.

An à iure præfixum sit tempus ad conferendum beneficia parochialia.

16 Ordinarij collatores ecclesias parochiales vacantes infra sex mensium spatium à die vacationis peracto examine iuxta formam Concilij Tridentini conferre tenentur, alias dicto sex mensium termino elapso sedi apostolicæ reservantur *ex citata constitutione Pij V. incip. In conferendis.* quando verò vacant parochiales in mēibus sedi apostolicæ reservatis, tenentur ordinarij intra quatuor menses à die illarum vacationis attestacionem examinis cum significacione personæ magis idoneæ electæ ad Papæ Datarium transmittere, alias elapsis quatuor mensibus, earum collatio, prouiso, institutio, & omnimoda dispositio sedi apostolicæ reservatur, *ut in d. constitutione Pij V.*

17 Potest autem Ordinarius beneficia

beneficia parochialia, seu curata, quae apud Sedem Apostolicam, seu in Curia vacare contigerit vacante eadem sede, liberè conferre, etiamsi vacent in Curia ipso Romano Pontifice viuento, si ante collationem Apostolica Sedes vacauerit *cap. si Apostolica de Praeb. in 6.* quemadmodum alia, etiam beneficia, etiamsi vacent in mensibus Sedis Apostolicæ, ab Episcopo eadem sede vacante conferuntur, donec nouus Pontifex Cancellariæ regulas iterum publicet: quia hæc mensium reseruatio est personalis, & ideo mortuo Papa expirat *Garc. de Benef. par. 5. cap. 1. nu. 643. quem refert Layman in Theol. mor. lib. 4. tract. 2. cap. 11. num. 1. Gomez. in Reg. de Publican. resign. q. 6. vers. sed istis Barbof. de offic. & potest. episc. par. 3. all. 57. num. 62. & 192.*

18 Hoc tamen procedit, quando reseruatio inducitur in ipso obitu possessoris, & sic in vacatione, qualia sunt beneficia reseruata, ratione temporis, prout in *reg. 8. Cancellariæ*, tunc enim si talis vacatio contingat Sede Apostolica vacante, collatio ad Ordinarium spectat: quia regulæ Cancellariæ eo tempore iam expirarunt; secus esset, si reseruatio personæ possessoris adhæreat, vel ratione personarum, puta si erat familiaris Cardinalium, Collector, vel Subcollector: vel ratione ipsius beneficii, videlicet si esset prima dignitas, siue alio modo ratione rei affectum Sedi Apostolicæ: quia licet Sede Apostolica vacante, regulæ Cancellariæ tamquam au-

toritatis tunc destitute non inducant tempore vacationis reseruationem, non inde tamen reseruaciones prius viuento Papa, & regulis vigentibus inducæ desinunt, aut expirant, cum beneficium semel affectum semper remaneat affectum *extrauag. Ad Romani de Praeb. Gomez. in Reg. de Publ. resign. q. 6. vers. tamen contra prædicta Garc. par. 5. cap. 1. n. 789. Et ita resoluit Rota in Abulen. Parochialis 24. Ianuarij 1594. coram Corduba, & in Andrien. Archidiaconatus 5. Decembris 1625. coram Merlino, & in alijs, vt refert Barbof. de offic. & pot. Episc. par. 3. all. 57. num. 62. vers. fin.*

19 Itaque attendendum est, an qualitas inducens reseruationem semel detur stante, & vigente regula, quia tunc statim reseruatiōni est locus, & affectio inducitur: si verò non detur stante regula, sed postquam illa expirauit, tunc reseruatō locum non habet, nec afficit beneficium, *Aeneas de Falcon. de reseruat. 4. quæst. effect. 17. Gemin. conf. 93. nu. 15. quos refert, & sequitur Garc. de Benef. p. 5. c. 1. num. 791.* vnde neque illius beneficia erunt reseruata, qui sede vacante in familiā alicuius Cardinalis receptus fuit, & ea durante à seruitio discessit *Barbof. d. par. 3. all. 57. num. 110. vbi citat Mandos. ad reg. 32. q. 11. Anastas. Germon. de Indult. Cardin. 8. per quod sublati n. 99. Ioann. à Coch. in Probem. reg. Cancell. nu. 23.*

20 Cætera quoque beneficia infra sex menses conferenda sunt *cap. nulla de Concess. Praeb. huiusmodi*

di verò sex menses à die sciencie vacationis computantur cap. licet de supplen. negl. Prælat. 3. cap. quia diuersitatem in fin. de Cōcess. Præb. & decisum refert Ricc. in Prax. for. eccles. p. 1. ref. 166: quod procedit, si Episcopus debitam suam professioni diligentiam adhibuerit visitando Diocesim iuxta tempus à sacra Tridentina synodo præscriptum in sess. 24. de ref. cap. 3. alias si negligens fuerit, sex menses prædicti currunt ab eo tempore, quo Episcopus potuit, vel scire debuit vacationem, vt decisum refert Barbof. d. par. 3. all. 58. num. 6. & all. 126. nu. 46. & seq. vbi id arbitrio iudicis remittit cōsiderata beneficij qualitate, vacationis modo, & tempore, ac distantia locorum. Vnde elapso dicto tempore non potest ordinarius amplius conferre, sed collatio deuoluitur ad Superiorem, cap. 2. de concess. Præb. videlicet ad Archiepiscopum, & de Archiepiscopo ad Papam cap. licet de sup. plen. negl. Prælat. quemadmodum si Prælati Episcopo inferiores intra dictum tempus non conferant, potestas deuoluitur ad ipsum Episcopum, vt in d. cap. 2. de concess. Præb. etiam si collatores essent Regulares clemen. vn. de supplen. negl. Prælat. cuius dispositio procedit quoad eos Prælatos regulares, qui immediatè sub sunt Romano Pontifici, non vero in ijs, qui licet excepti sint à iurisdictione Episcopi, tamen immediatè non sub sunt Romano Pontifici, sed alteri Prælato: tunc enim talis potestas ex prædicta negligentia deuolui-

tur ad huiusmodi Prælatum, vt post glos. ibidem in ver. Prælat. & alios obseruat Barbof. d. p. 3. all. 126. numero 69.

Secus esset, si ad inferiores, & Episcopum communiter spectaret collatio: quia tunc deuolutio non fiet ad Episcopum, sed potius ad Archiepiscopum tamquam ad proximum superiorem cap. postulatistis de concess. Præb.

23 Idem dicendum, si ij, ad quos collatio spectat, prouident indignis, & incapacibus: hoc enim casu deuoluitur etiā potestas conferendi ad superiorem cap. cum in cunctis §. fin. de elect. cap. si compromissarius eodem tit. in 6. & dicunt Doctores, quos refert, & sequitur Garc. de benef. par. 10. cap. 3. n. 2.

24 Quamuis autè presumatur notitia vacationis Beneficij in Prælato, qui residet in sua Diocesi, vt dicit Ricc. in Prax. for. eccles. par. 2. resol. 184. hæc tamen notitia, seu scientia vti præsumpta non sufficit ad effectum deuolutionis; & ideo in tali casu certam in inferiori collatore scientiam esse, probandam tenuit Rota dec. 186. par. 2. Recent. & in Bononien. Terrarum 20. Octobris 1582. coram Bubalo, & in firmana Beneficij 12. Maij 1595. coram Card. Blanchetto, quos refert Barbof. d. par. 3. all. 58. num. 18. & 19.

25 Superior verò, ad quem fit deuolutio, habebit etiam sex menses ad conferendum à die deuolutionis, seu verisimilis notitiæ Garc. par. 10. cap. 3. num. 11. Barbof. loco cit. all. 58. num. 11. & seq. vbi etiam dicit, quod si interim col-

- latio fiat ab ordinario post incur-
sam deuolutionē etiam die mox
sequenti, non tenet *iuxta dec. Ro-*
tæ in Toletana Paroch. 17. Aprilis
1595. coram Card. Pamphilio: in
conferendis enim beneficijs non
est locus purgationi moræ, quia
elapsis sex mensibus fit exequu-
tio ab ipso iure, *vt dicit Ricc. in*
Prax. for. eccles. par. 2. resol. 253. ita
etiā si patronus laicus intra qua-
drimestre non præsentauerit, E-
piscopus à tempore vltimæ diei
quadrimestris potest infra seme-
stre beneficium conferre *Bisignet.*
decis. 7. de Preben. Bellam. des. 107.
& decis. 212. Cantus. dec. 109. quos
refert, & sequitur Ricc. in Collect.
decis. 2453. par. 6.
- 27 Verum si Episcopus intra sex
menses contulerit beneficium, &
prouisio ex aliqua causa non fue-
rit effectum sortita, vt quia pro-
uisus noluit acceptare, aut renun-
ciauit, aut decessit, aut quia col-
latio ob aliquod occultum vitiū
irrita fuit, non deuoluitur in
tali casu ad alium potestas prouid-
endi: quia iam Episcopus fece-
rat quicquid ad ipsum spectabat,
& ideo poterit Episcopus iterum
infra iuris terminum computan-
dum à die prædicti dissensus, re-
nunciationis, mortis, aut irrita-
tionis beneficium conferre ac si
vacatio noua esset, dummodò nil
fraudulenter gesserit in præmissis,
vt est tex in cap. si electio de elect.
in 6.
- 28 Nullum autem tempus Episco-
po habenti instituere præfixum
est, intra quod facienda sit insti-
tutio, sicut præfixum est collato-

ri ad conferendum, *vt obseruat*
Ricc. in Prax. for. eccles. par. 2. resol.
260. vbi dicit, quod tex. in d. cap.
nulla de Concess. Prab. in quo præ-
figitur spatium sex mensium ad
conferendum, habet tantum lo-
eum in habente liberam potesta-
tem conferendi, non autem in
collatione necessaria, & ideo be-
neficium non esse deuolutum ex
eo quod ordinarius distulit insti-
tuere, resoluit Rota in Dertonen:
Jurispatronat. 8. Februarij. 1599.
coram Penia, vt refert idem Ricc.
in Prax. par. 4. res. 405. Barbof. p. 3.
all. 72. num. 191. & all. 126. nu. 52.
vbi alios refert: poterit tamen Ar-
chiepiscopus eius Metropolita-
nus eidem Episcopo præfigere
tempus, eiusque negligentiam
supplere; vel statim, ac Episco-
pus differt instituere sine causa
legitima, appellari potest ad Su-
periores à grauamine illato, vt
dicunt Doctores apud Ricc. loco cit.
res. 403. requiritur tamen trina in-
terpellatio, vt possit appellari à
retardata, seu denegata insti-
tutione, vt decisum refert Barbof.
d. all. 72. num. 193.

Hoc tamen limitatur in Bene-
ficijs parochialibus iurispatrona-
tus tam ecclesiastici, quam laica-
lis: tunc enim institutio fieri
debet ab Episcopo intra duos
menses à die præsentationis, alias
deuoluitur ad Metropolitanum,
seu viciniorem ordinarium, aut
ad sedem apostolicā arbitrio Pa-
tronorum *iuxta citatam constitu-*
tionem Pij V incip. In conferendis.
29 Addit Ricc. in Prax. for. eccles.
par. 2. res. 260. quod neque est præ-
fi-

fixum à iure tempus ad beneficia resignata ex causa permutationis conferenda: sed contrarium colligitur ex cōstitutione Greg. XIII. incip. *Humano vix iudicio*, quam refert *Quarant. in ver. Benefic. resignat. publicatio*, ibi, de beneficijs autem, quæ deinceps in manibus ordinariorum collatorum etiã Cardinalium, etiam indulta, & facultates ad hoc ab apostolica sede habentium, ac legatorum etiam de latere, & delegatorum etiam specialium eiusdem sedis extra Romanam curiam resignari etiam ex causa permutationis contigerit, ipsi intra mensem negotium uniuersum admissiois, vel reiectionis resignationis huiusmodi, & (si per eos faciendã erit) provisionis resignati beneficij iuxta apostolicas, & alias canonicas functiones omnino absoluant. ex qua quidem cōstitutione obseruant nonnulli recentiores, quod licet ordinarius debeat infra mensem admittere, vel reijcere Resignationem, nihilominus habet sex menses ad conferendum iuxta canonicas sanctiones, itã vt admissio, & reiectio censeantur restrictæ, & limitatæ ad mensem: at collationis tempus reguletur secundum dispositionem iuris communis in d. cap. nulla de Concess. Præb. & d. constit. Pij V. incip. *In conferendis*, itã *Massobr. in Prax. habent. concurs. requis. 7. dub. 1. quem refert, & sequitur Barbof. p. 3. alleg. 69. num. 51.*

30 His adde, quod neque ad possessionem beneficij per mortem vacantis, & ordinaria auctoritate collati vllum à iure tempus præ-

fixum est, licet possit beneficiarius ad id per Superiorem cogi, & ipso etiam beneficio priuari, vt dicit idem Ricc. in Prax. vt supra par. 2. resolutione 265.

§. IV.

An valida sit electio digni omisso digniore in Beneficijs parochialibus.

31 Communis est opinio, quod huiusmodi electio de digno omisso digniore valida est in foro fori, vt litium occasiones amputentur: quia alias omnis electio posset habere calumniam, itã *S. Th. 2. 2. q. 63. art. 2. ad 3. Barbof. de offic. & pot. Paroch. cap. 2. nu. 98. & de offic. & pot. Episc. p. 3. all. 60. num. 97. ubi citat Sot. lib. 3. de Iust. q. 6. ar. 2. & lib. 10. quest. 2. art. 3. Bann. de Iust. quest. 63. ar. 2. post dub. 3. vers. ad confirmationem Filiuc. tract. 4. de Benefic. capit. 4. à n. 177. Valent. 2. 2. disp. 5. quest. 7. punct. 2. S. secundo queritur vers. secunda assertio Iacob. de Graff. in aur. decis. par. 1. lib. 2. cap. 99. nu. 2. Flamin. de Resign. lib. 10. q. 11. nu. 36. Azor. Instit. mor. p. 2. lib. 6. cap. 15. quest. 1. Rebell. de oblig. Iust. p. 1. lib. 3. q. 4. Rot. decis. 40. par. 1. Recent. & in Eugubina Parochialis S. Venetij 13. Ianuarij 1623. coram Remboldo: grauius tamen peccaret Episcopus conferendo ecclesiam parochialẽ digno omisso digniore, quia in tali casu violatur iustitia distributiua: iura enim præcipiunt, vt parochiales ecclesie dignioribus, ac magis idoneis con-*

ferantur, ut constat ex Conc. Trident. d. sess. 24. cap. 18. & ex citata Constitutione Pij V. incip. In conferendis, & ideo tenebitur digniori damnum resarcire, quod inde illatum illi fuit Sylu. in ver. restitutio 3. q. vlt. vers. Secundo Caiet. 2. 2. quest. 62. ar. 2. ad 4. Grat. decis. Rot. March. 97. quem refert. Ricc. in Collect. decis. 712. par 3. Dian. par. 2. tr. 15. ref. 40. excusabitur tamen Episcopus, si conferat dignioribus in Dicecesi existentibus: non enim tenetur perquirere extra suam, Dicecesim, ut meliores habeat, ut post Caiet. & alios dicit Barbof. d. all. 60. num. 99.

33 Dignior verò in hoc casu non simpliciter dicitur ille, qui doctior est, vel sanctior, sed is qui iuxta munus, & rem, cui præficiendus est, utilior, & aptior eius ministerio apparet, S. Tho. 2. 2. q. 63. art. 2. Rot. in Ravennaten. Parochialis 2. Decembris 1592. coram Arigonio, & coram Buratt. decis. 22. num. 29. ubi alie decisiones referuntur. in quo multum defertur iudicio Episcopi cap. in presentia de Renunc. vnde non est consideranda solum idoneitas respectu scientiæ, sed etiam respectu ætatis, morum, prudentiæ, & huiusmodi ad Ecclesiã parochialẽ gubernandã, ut constat ex Concil. Trident. d. sess. 24. c. 18. aliquando enim minus sciens, & minus sanctus melioribus præferendus est, quando magis conferre potest ad bonum commune propter potentiam, vel industriam sæcularem, vel propter aliquid hu-

iusmodi S. Thom. loco cit. d. ar. 2.
34 Quare nobilem ignobili præferendum esse dicit Ricc. in Prax. for. eccles. par. 3. ref. 554. Barbof. d. all. 60. num. 101. ubi refert. itã tenuisse Rot. decis. 61. par. 1. Recentiss. quia homines, & iura nimium tribuunt nobilitati l. 2. C. de offic. di. uer. Iud. l. potioris C. de off. Rect. Prouinc. item minus doctus, modò idoneus, cuius prudentia, ac mores sunt noti, præferendus est doctiori, cuius vita ignoratur, ut censuit Sac. Cong. teste Piassec. in Prax. Episc. par. 2. cap. 5. num. 19. Ricc. in Prax. par. 3. ref. 521. Rot. d. decis. 22. numer. 29. coram Buratt.
36 Hinc etiam cuius extraneo ceteris paribus præferri debet, ut in cap. nullus inuitis 61. dist. capit. nõ pro defectu de elect. cap. bona memoria 2. §. intelleximus de Post. Pralat. & docent communiter Doctores, quia cuius in pluribus consuevit esse utilior quantum ad bonum commune, quia magis diligit ecclesiam, & facilius ad residentiam inducitur S. Tho. loco cit. d. ar. 2. ad 4. latè Barbof. d. par. 3. all. 60. nu. 102.

37 Addit Ricc. in Prax. par. 1. ref. 654. ex decreto Sac. Congr. quod potest etiam ecclesia parochialis illi conferri, qui vnus tantum examinatoris suffragium habuerit, si melius iudicio Episcopi ecclesiæ prouideri nequit.

38 In alijs verò beneficijs curam animarum non habentibus licitum est tam in foro externo, quã in foro conscientiæ eligere dignum. omisso digniore secundum receptam sententiam, quam tenet.

Man.

Naz. de Restit. lib. 2. cap. 2. nu. 172. Ledesm. in Sum. par. 2. tract. 7. c. 2. cōcl. 7. diff. 15. Gutier. Can. qq. lib. 2. cap. 11. num. 12. Garc. de Benef. par. 7. cap. 16. num. 16. quos refert, & sequitur Dian. par. 2. tr. 15. ref. 38. vers. quarta opinio.

S. V.

Quæ ætas requiratur in electo ad Parochialem ecclesiam.

39 **A**D parochiale beneficium requiritur, quod electus 40 compleuerit annum 24. & attigerit annum 25. atque infra annum à die possessionis pacificè acquisite numerandum ad sacerdotium promoueri debet, alias elapso anno ipso iure nulla etiã monitione præmissa priuatus est beneficio parochiali *cap. licet canon. & cap. commissæ de elect. in 6. & tenetur relinquere beneficium vna cum fructibus etiam ante Iudicis sententiam, si infra annũ ordinatus non fuerit Nau. in man. cap. 25. num. 118. & conf. 12. num. 2. de Rescript. quod procedit etiam si his deinde mota fuerit super beneficio: adhuc enim teneretur sub dicta pœna intra annum sacerdotium suscipere, dum modò per vnum, aut duos menses sine molestia beneficium possederit, vel habeat pacificè exercitium curæ, quamuis non possideat maiorem partem bonorum Sarnen. in reg. de Trienn. q. 53. vers. & ideo.*

41 **Hæc tamen conclusio limita-**

tur 1. quando Parochus legitimo impedimento detentus fuit, nè sacerdotium intra annum susciperet, puta quia Episcopus non potuit, seu noluit ordines conferre propter illitteraturam, vel aliam causam *d. cap. commissæ de elect. in 6. & censuit Sacr. Congr. teste Barbos. de offic. & pot. Episc. par. 3. all. 60. num. 84. & tunc cessante impedimento quoadvtrunque forum non alius annus integer dandus est ad sacerdotium suscipiendum, sed tantum temporis, quãto fuit impeditus Nau. conf. 1. de In integr. restit.*

42 Limitatur 2. in Capellania, requirente ordinem sacerdotalem; quamuis enim illam obtinens teneatur infra annum promoueri, tamen si intra dictum tempus promotus non fuerit, nõ priuatur beneficio ipso iure, sed per sententiam, & præmissa monitione superioris *cap. 1. de atat. & qual. Rot. in Tullen. Monasterij S. Mansueti 17. Martij 1597. coram Penia, quam refert Ricc. in Prax. for. eccles. par. 3. ref. 367.*

Sed obserua, quod tunc datur annus obtinentibus huiusmodi Capellanas, quando verba foundationis non respiciunt actum collationis, vel præsentationis, secus quando ordo sacerdotalis, requiritur in ipso actu collationis seu præsentationis, vt si dicatur, quod præsentetur sacerdos, seu Capellanus, qui missas celebret, quia tunc nõ datur annus ad suscipiendum sacerdotium, sed requiritur, quod præsentatus de eo tempore sit actu sacerdos, quia

- qualitas iuncta verbo intelligitur secundum tempus, verbi *l. in delictis §. 1. ff. de Noxall. Titius*: ubi *Bart. ff. de milit. testam. Rice. loco cit. ubi etiam refert, ita tenuisse Rotam in Romana Capellania de Capizucchis 20. Nouembris 1563. coram Cotta, & in alia Romana etiã Capellania 19. Martij 1586. coram Card. Pamphilio.*
- 43 Limitatur 3. quoad obtinentes Decanatum, Archidiaconatum, seu alias dignitates, vel beneficia, quæ curam animarum habent annexam; isti enim, quãuis vigesimum quintum ætatis annum attingere, & infra annum Sacerdotium similiter suscipere debeant *iuxta text. in d. capit. licet canon, & cap. cum ex eo de elect. in 6. Conc. Tridentin. sess. 7. de ref. cap. 12. & sess. 24. cap. 12.* non tamen tenentur in cõscientia elapso anno, & non suscepto sacerdotio relinquere beneficium, nisi præcesserit monitio, & Iudicis sententia *cap. cum in cunctis §. in inferiora de elect. glos. in cap. licet canon. ver. priuatus eod. tit. in 6. Barbos. de offic. Paroch. cap. 5. num. 10.*
- 44 Hoc tamen Doctores intelligunt, si dignitati vnita sit parochialis & quæ principaliter: quia si accessorie sit vnita, eam obtinens non debet necessario attingere vigesimum quintum annum *Galet. in Margar. Cas. Cõsc. ver. Parochus 6. Homobon. de Hum. vit. stat. p. 1. cap. 9. vers. secunda, & alij, quos refert, & sequitur Barbos. de offic. & pot. Episc. par. 3. all. 60. num. 65. in fin. & in d. cap. cum in cunctis §. inferiora de elect. vn-*
- de si parochialis vnita esset accessorie alicui Canoniatui Ecclesiæ Cathedralis, sufficeret ætas 22. annorum, quæ in Canoniatu collatione requiritur, *ut censuit Sac. Congreg. teste Piafec. in Prax. Episc. par. 2. cap. 5. nu. 21. vers. ad dignitatem Barbos. d. all. 60. num. 66. & seq. ubi etiam dicit, vigesimum secundum annum requiri in tali casu incæptum, non autem completum, ut resolutè Sac. Congr. referente Gratian. discept. 591. nu. 9.*
- Immò sufficeret, ut prouisus sit in ea ætate, ut infra annum possit promoueri ad ordinem Canoniatu annexum *iuxta Tridentinum sess. 24. c. 12. & censuit Sac. Congr. teste eodem Barbos. d. all. 60. nu. 70.*
- 45 Præterea tenetur etiam ad restitutionem fructuum perceptorum qui parochiale beneficium adeptus est animo dimittendi, & non suscipiendi sacerdotium, nisi mutata voluntate deinde intra annum ordinetur *c. commissisa vers. ceterum de elect. in 6. quod intelligendum est, si animo absoluto mutandi statum id faciat, non tamen si animo dubio, & conditionali perseverandi in clericatu, nisi aliqua melior cõditio mutandi statum se offerat* *Manarr. in Man. cap. 25. num. 118 in fin. & conf. 17. de Cler. non resid.*
- 46 si verò suscipiat animo sumendi sacerdotium, & postea voluntatem mutet, non tenetur quidem restituere fructus perceptos eo tempore, quo sanam habuit intentionem, sed tantum perceptos a tem-

- a tempore, quo voluntatem mutauit *glos. in dict. cap. commissa. ver. non intendens, & alij apud Barbof. de offic. Paroch. cap. 5. numer. 15.*
- 47 Hoc tamen non procedit in beneficijs, quę non habent annexam curam animarum, quales sunt Canonici in ecclesijs Cathedralibus, etiam si habeant annexum ordinem sacrum; siquidem iura solum statuerunt pœnam restitutionis contra Beneficiarium, qui recepit beneficium curatum sine tali intentione, & ideo tamquam pœnalia extra suum casum non debent extendi *Nau. loc. cit. Ricc. in Prax. ut supra par. 3. ref. 474 peccaret*
- 48 tamen mortaliter Canonicus nõ recipiens ordinem suo Canoniciatui annexum, quia non haberet intentionem seruandi sacros canones in re graui; & si intra annum non ordinetur, priuatur etiam voce in capitulo, & dimidia parte distributionum *iuxta clem. ut ij qui De atat. & qual. quam innouauit Conc. Tridentinum sess. 22. de ref. cap. 4. immo in tali casu Episcopus illum priuare potest Canoniatu, & procedere potest ad priuationem etiam*
- 49 locum habet, quoad Canonicos Ecclesię Collegiatę, si ex antiqua consuetudine, vel statuto aliquem sacrum ordinem habet annexum, *ut declarat textus in d. clem. ut ij qui, iuncta glos. in*
- ver. annexi. Vnde in tali casu prouisus de Canoniatu in ecclesia Collegiata eius debet esse ætatis, ut intra annum ad illum ordinem promoueri possit iuxta Concil. d. sess. 22. cap. 4. secus si nullum tale adsit statutum, vel consuetudo; quia tunc requisita ætatis quoad dignitates, & Canoniatu in Collegiatis Ecclesijs obtinentes remanent in dispositione iuris communis; quia Concilium in hoc nihil innouauit, ut declarauit Sac. Congregatio referente Piafec. in Prax. Episc. par. 2. cap. 5. num. 21. & ideo in illis sufficit ætas 14. annorum iuxta cap. super inordinata iuncta glos. in ver. pueri de Præben. etiam si completi non fuerint, modo sint incepti, ut censuit Sac. Congregatio Concilij apud Farinac. decis. 155. parte 4. Diuers. Barbof. de offic. & pot. Episc. par. 3. all. 60. numero 75. & 76. Ricc. in Prax. parte 1. ref. 180. potest tamen Episcopus cogere aliquos Ecclesię Collegiatę Canonicos ad sacrum ordinem suscipiendum, si eiusdem ecclesię necessitas id postulet cap. queris de atat. & qual.*
- 50 Vltimò obseruant Doctores, quod etiam Canonicus coadiutor, si resideat, & inseruiat, debet esse constitutus in ea ætate, quę ad illum canonicatum obtinendum requiritur ita ut infra annum promoueri debeat ad ordinem suę præbendę annexum *iuxta Conc. Trid. sess. 24. de ref. cap. 12. & sess. 25. de ref. cap. 7. secus si nõquam*

quam resedit, vel inseruiat: tunc enim non tenetur suscipere infra annum ordinem requisitum, cum non habeat exercitium coadiutoriae; quemadmodum habens curam habitam, & non actu non tenetur infra annum promoueri ad sacerdotium, ita *Barbos. de Canon. & dignit. cap. 29. numer. 37. & 49. & alij.*

§. VI.

An detur appellatio ab electione Episcopi.

51 **R**esp. dari quidem appellati-
onem ad effectum deuolutiuum
non autem quoad effectum suspē-
siuum; & ideo interim prouisus
appellatione pendente à paro-
chiali amoueri non debet, nè pa-
rochiales ecclesiae diu in suspen-
so remaneant, ut *Statuit Cōc. Tri-
dentinum sess. 24. de ref. cap. 18. &
Pius V. in d. constit. incip. In conse-
rendis: quod procedit, quando ele-
ctio, seu iudicium Episcopi esset
irrationabile, de quo euidenter
constare debet, alias appellatio
etiam quoad effectum deuoluti-
um denegatur ex d. constit. Pij V.
ut obseruat *Rot. dec. 40 sub. nu. 1. p.
1. Recent. Greg. decis. 11. nu. 1. & 2.
Marescott. var. ref. lib. 1. c. 52. n. 24.**

52 In duobus tamen casibus da-
tur appellatio tam quoad effectū
deuolutiuum, quam suspensiuum,
primò quando appellatur à sen-
tentia Metropolitanæ, seu alterius
Iudicis appellationis reuocatoria
electionis prius factæ ab ordina-
rio in concursu: nam in tali casu

Iudex appellationis non potest
exequi suam sententiam, nisi for-
tè transtulerit in iudicatum *Bel-
trani. ad Greg. decis. 538. in fin. Ro-
ta coram Buratt. decis. 22. nu. 1. &
seq.* Secundò quando factò con-
cursu appellatur inter præsentat-
os, vel Patronos laicos super per-
tinentia Iurispatronatus, videli-
cet ab institutione facta ad præ-
sentationem alterius ex patronis:
tunc enim per appellationem,
etiam possessio suspendi debet, ut
*decisum refert Barbos. d. par. 3. all.
60. numero. 104.*

53 Adde quod etiam à reproba-
tione examinatorum datur ap-
pellatio quoad effectum deuolu-
tiuū à die scientiæ, ut *consuit
Sac. Cong. Concilij, quæ refertur in-
ter Decis. nouissim. Divers. part. 4.
decisio. 23.*

S V M M A R I V M.

- 1 Beneficia Iurispatronatus laicorum libera sunt ab omnibus reservationibus etiam in corpore iuris clausis.
- 2 Non presumitur Papam velle derogare Iurispatronatus laicorum, nisi id expressè ex litteris constiterit.
- 3 Si prima dignitas esset de Iurispatronatus laicorum, reservatio regula 4. Cancellariæ istam non comprehenderet, sed aliam subsequentem.
- 4 An beneficium Iurispatronatus mixti sit exemptum ab huiusmodi reservationibus.
- 5 Quando Iurispatronatus censetur ecclesiasticum.

6 In